

VA NA NA RITO

XIRHAMBO XA SWIBUMABUMELO

NAWUMBISI WA TINDHAWU TO TSHAMA TA PALAMENDE WA MPFAPFARHUTO, 2026

Komiti ya Nkarhinyana yo Kambisisa na ku Cinca Nawu wa Huvo ya Vulawuri bya Tindhawu to Tshama ta Palamende (Nawu wa Nomboro ya 96 wa 1998) yi rhamba vatekaxiave na vanhu lava nga na ku tsakela ku yisa swibumabumelo leswi tsariweke hi mayelana na Nawumbisi wa Tindhawu to Tshama ta Palamende wa Mpfapfarhuto, 2026.

Swikongomelo swa Nawumbisi

Nawumbisi wu lava ku herisa Nawu wa Huvo ya Vulawuri bya Tindhawu to Tshama ta Palamende, 1998; ku lemuka na ku lawula vukona bya tindhawu to tshama ta Palamende, na maavelo ya tindlu eka tindhawu to tshama ta Palamende; ku hlawula Palamende tanihi n'wini na mutirhisi wa tindhawu to tshama ta Palamende; ku simeka na ku lawula Huvo ya Vulawuri bya Tindhawu to Tshama ta Palamende; ku lulamisela vulawuri bya Huvo na ntirho wa yona wo seketela Palamende tanihi n'wini na mutirhisi wa tindhawu to tshama ta Palamende; ku lulamisela ku simekiwa ka Komiti ya Vaaki eka yin'wana na yin'wana ya tindhawu to tshama ta Palamende na ku lulamisela xiave na mitirho ya yona; ku lulamisela ntirho wa Vukorhokeri bya Maphorisa ya Afrika-Dzonga eka tindhawu to tshama ta Palamende; ku cinca Nawu wa Vulawuri bya Nhundzu Leyi nga Rhwalekiki ya Mfumo, 2007; na ku lulamisela timhaka leti fambelanaka na tona.

Swivutiso xikan'we na swibumabumelo leswi tsariweke swi nga kongomisiwa eka Komiti ya Nkarhinyana ku Kambisisa na ku Cinca Nawu wa Huvo ya Vulawuri bya Tindhawu to Tshama ta Palamende, kongomisa eka Dokodela Anneke Clark, eka imeyili ya aclark@parliament.gov.za. Ku engetela eka swibumabumelo leswi tsariweke, mi komberiwa ku kombisa ku tsakela ka n'wina ku hlamusela hi nomu eka Komiti ya Nkarhinyana.

Siku ro pfala ro rhumela swibumabumelo leswi tsariweke i Ravuntlhanu, 14 Mhawuri 2026.

Tikhopi ta Nawumbisi ti nga komberiwa hi riqingho eka Dokodela Clark eka selifoni: 081 360 1431 kumbe ti kumiwa hi xielekithironiki hi ku tirhisa webusayiti ya Palamende ya (www.parliament.gov.za).

Xi humesiwile hi Muchaviseki CM Masina, Xirho xa Palamende

Mutshamaxitulu: Komiti ya Nkarhinyana yo Kambisisa na ku Cinca Nawu wa Huvo ya Vulawuri bya Tindhawu to Tshama ta Palamende